

國
朝
詩
鐸

國朝詩鐸卷七

錢唐張應昌仲甫

蠶桑

蠶詞

王士正

青青桑葉映迴塘三月紅蠶欲暖房
相約明朝南陌去背人先祭馬頭娘

戴勝初來水染藍女桑濃葉滿江南
誰家少婦青絲籠知向香閨飼女蠶

玉蛾飛飛金繭酥蠶時幾日閉門樞
白葦與儂作磷藉黃金與儂作跣躅

自注磷藉蠶
和跣躅校也

鳩鳴屋角桑葉低三眠四眠蠶始齊小姑嬌小好閒事
簇蠶學罷學添梯

繰絲曲

嚴我斯

田家四月桑葉稀鸚鵡啼雨乳燕飛吳蠶上山重如雪
絲車索索鳴柴扉車上少婦飛蓬首兩月辛勤露雙肘
朝忘沐櫛夜無眠那得新衣縫女手須臾府帖下鄉村
里正倉皇來打門但償官稅苦不足更向厨中索酒肉
君不見富家女兒嬌綺羅吳綾越絹無人馱

繰絲行

高士奇

浙西民力勤種桑無閒土家家養吳蠶筐籃滿廊廡富

春蠶子生日夜守復覩陌上女盈盈采桑出庭戶但憂
蠶偶飢那顧兒啼乳計日蠶上簇占時慮風雨相看結
繭成堅勻白且撫清和早夏時茅檐置瓦釜竹裏聲啞
啞繰車類輕櫓持絲付機娘織成黻與黼侯家尙新奇
窮工綰花譜千疋輕剪裁那識蠶娘苦所喜年歲豐南
北通商賈巨舶販海洋連鑣賣城府婦子樂餘閒時節
到重午刈蒲縛綵糗食罷作繭虎

蠶月愁霖曲

徐倬

雨靡靡三眠時樵採斷炊爨屢豆麥爛農人饑人饑尙
可蠶饑則那。

漏丁丁雨屑屑漏已停雨不歇農夫蹠上泥蠶婦眼中血但見梅子黃那得繭頭白

雨淫淫夜方深朝雨滴人面夜雨滴人心人心不願天雨粟亦不願天雨金但願陽烏展雨翼略煖桑條蠶得食

披蓑采桑歸四壁無一完旣愁蠶箔濕還怕蠶身寒屋漏有時葺天漏幾時乾那得女媧手一出補天漏

雨點落梧桐徹夜騷騷耳欲聾早起炷香拜天工綵衣孃子掃晴出攔街小兒罵癡龍獨不見山棚未卸繭如珙前索官租後私貸白棒黃荆扶爾背

采桑女

朱昆田

采桑女清且妍盈盈纔十五鬢髮初覆肩生長村舍中
不識黛與鉛新春買得流年圖把蠶最好惟小姑吳蠶
三眠復三起紫山看火屋角呼采桑女采桑宜及時采
多畏葉乾采少憂蠶飢蠶不飢齊上簇三日山頭繭如
犢小繭作絲光比銀大繭作絲軟勝茵城中美人學歌
舞羅綺成堆視如土霜風獵獵十月寒采桑女兒衣仍
單

蠶婦吟

邵曾訓

姑采牆下桑婦采陌上桑桑葉昨嫩今日老天氣今陰

昨日好解一

守候蠶眠不思臥麥秋寒覺夜難過蠶荒

舅姑怒蠶熟新婦苦解二

今年四月少晴時蠶病家家

不出絲新絲價長舊絲上舊絲未贖新絲當解三

有絲

不上身有絲不賣人縣官徵比已赦租家主只恐臂無

膚解四

繰絲行

徐永宣

柳花村巷晴窗南蠶神祀罷事春蠶一箔三眠日卓午
食葉聲中作風雨婦姑餉蠶不得閒雙眉不暇描春山
戴勝飛鳴繭成早繰車索索絲皓皓賣絲抵稅輸縣官
入冬子婦仍號寒

養蠶詞

陳梓

田家養蠶極苦辛，蠶大費力小費心。
臘月十二蠶生朝，炒鹽獻竈家家勞。
清明夫婦莫走動，隔夜采花浴蠶種。
蠶種不一分炎涼，熱看冷看須忖量。
屈指來朝穀雨近，出城買紙糊蠶筐。
轉綠變藍蠶子出，蠶子始出時綠色繼藍色鵝毛擔落房中藏。
先以嫩葉如乳哺，一眠三日魚鱗鋪。
二眠兩日連極枝，二眠插替勞何辭。
每眠三日換出老桑葉謂之替蠶今年二姑把蠶穩，不如頭姑昏昏小姑狠。
出火一錢二百倍，大眠一斤五斤外。
如此收成定十分，割肉先獻蠶將軍。
掘筍勿叫筍叫筍，蠶要損喫薑勿喚薑。
喚薑蠶要殭，況

今天時頗溫和微風拂拂雨不多雷驚沙脹更何慮人
力到時天豈誤大眠以後廣送葉老翁提籃小兒挈不
愁葉貴只求飽四十二餐一齊考蠶熟腹通山棚灼火

真小心起望山頭白皚皚三日齊封門五日始採繭一
斤採十斤合家開笑臉前村後村絲車鳴唧唧啞啞聲
相聞或歎白肚孃上山一半殭或恨出火早蠶了葉久
了四鄉各比並只有我家好我家雖好勿喜歡地丁昨
夜來催完豪家復要蠶罷米今早撐船泊村裏官糧不
抵私債苦一石冬春須石五賣絲分完兩手光一月替
汝空奔忙落得繭黃績縣綫織得縣綢一丈半去年無

襦今有袴畢竟蠶桑是長算不恨官私兩迫促但願年
年如此十分足放膽且喫豪家粟

鄭世元曰田家情事
銖黍具悉可補吳風

簇蠶詞

惠士奇

麥風細蠶眠地桑葉殘蠶上山蠶房漸覺侵微暑乍暄
還暖愁煞汝朝蓺熏籠夜點燈竊脂驅雀貓捕鼠一日
茸茸粉絮結兩日堆堆白於雪三日團團論斗盛小婦
量來大婦稱繰出新絲付機杼織成十樣花紋綾君不
見繭稅年年充國課浴蠶娘子常衣布

養蠶謠

王時翔

蒿葉青桑葉綠吳蠶蠕蠕動萑薄小婦攜筐襪雀飛鵲

鳩亂啼紫椹熟溫風密雨遮深房地爐熾炭融冷光三
眠常忌醉人見村巷家家斷酒漿櫻桃紅過杏子黃茶
旗盡展麥垂芒眼前百事俱屏卻但望雪色新絲長簇
山高高似屋捉蠶上山去花貓捕鼠慎勿觸老媪拂布
裳拜向馬頭娘暗祝今年多做繭要抵舊債充官糧繰
車絡絡杼札札織成綾錦空羨殺君不見采桑貧女凍
欲死富女裁衣疊箱裏

蠶婦謠

朱奕曾

三月二日天氣清茗溪女兒逐隊行提筐攜筐不厭重
爲言采桑育蠶種初生細如絲薄刀切葉聲差差一眠

二眠蠶上架桑葉漸與黃金亞衣釵質錢買桑葉只論
有葉不論價大姑髻鬆髮不梳小姑辛苦脣不朱老婦
椎髻飼蠶食衣裳不解體不舒日間防蠶飢夜間防鼠
齧保蠶如保嬰刻刻難離抱三眠之後蠶始壯燒紙祈
神祝蠶肝買牲市酒皆貨錢一家羅拜求神貺時交小
滿蠶上山昂頭纍纍絲如蟠瓦盆烈烈然炭火雌雄結
繭何斑斕縑車輾轉銀牀飛濤滾滾百沸湯大姑纖
手把絲緒一莖抽出萬丈長纔喜新絲初出釜硃牌粉
票來官府完糧刻日不許遲胥吏下鄉猛如虎蠶娘授
絲與主公主公接絲賣城中賣絲得銀納官稅可憐今

歲蠶事空蠶娘痛哭陳詞說辛苦看蠶枉勞力未贖酬
神買葉錢寸絲尺縞留不得主公涕泣告蠶娘賣絲未
足清官糧上司行文又催促儘拚五月賣新穀。

吳興蠶詞

錄七首

周 煌

好是風風雨雨天清明時節鬧桑田青螺白虎剛祠罷
留得灰弓月樣圓清明節育蠶之家設祭又食螺謂之挑青以其殼撒于屋上謂之趕白虎
門前用石灰畫彎弓之狀祛蠶祟也

羅帕兜來正打包曉寒新火出堂坳辛勤甚有爺娘意
抱定紉兒不肯拋取舊年所布種以帕裹之置熏籠謂之打包然後貼之胸前待煖而出
已從蠶國見蠕蠕市葉稍來得現無認取牀頭堆箇箇

鵝毛新刷有攤鳥謂初生蠕蠕而動以鵝毛刷于筐中則賣不足則買謂之攤鳥凡葉二十筋爲一箇有餘

戢戢聲中聽轉希可憐腸斷不勝饑小姑新婦銀鸞脫

贏得砧刀快似飛東蓼爲砧剉細葉如縷餉之稍飢卽謂之斷絲腸

纔到三眠半月強卽時嬾意滿筠筐一篝燈焰青如許

長伴香閨照繚娘繚娘將眠少食曰紅嬾思有食娘起娘繚娘之名繚娘者將熟欲作繚者也

立夏初過小滿來繰車聲動隱如雷盆三已見銀爲線

串五猶誇雪作堆諺云小滿動三車謂油車水車絲車也絲細白者曰合羅稍粗者曰串五

去年葉貴不任餐今歲蠶傷又苦寒聽取吳兒盆卜好

阿蛾手引轉團團引蛾布子桑皮紙上小兒置水盆旋轉祝曰阿蛾轉團團今年去了來明

年

縲絲歎

陶元藻

縲絲縲絲乍出盆催徵虎吏早入門吏云賣絲輸我稅
婦云無絲姑不溫吏聲轉厲婦聲苦婦翁抱絲入城去
婦牽姑衣不敢言姑視縲車泪如雨賣絲翁歸意轉歡
今年官賦賴婦完巾箱雖空魂夢安一夕騷騷北風起
翁姑僵臥同長歎

縲絲曲

陳景鐘

三春雨足桑葉肥家家飼蠶晝掩扉二眠三起近小滿
桑葢垂垂葉已稀盼得紅蠶齊上箔更喜同功繭不薄

大婦收拾縑絲車小婦安排湯滿鑊銀絲抽繹比清霜
虛空堆牀生白光啞啞軋軋聲不絕綠陰低處新絲香
小姑回頭笑問嫂轉眼相看織成綃茜紅鴨綠染隨心
長剪腰褰短裁襖嫂云小姑爾未知阿哥正苦賣絲遲
明朝抱入城中去已值官糧徵比時。

紀吳興蠶事

六首

莊綸渭

臘祭牢丸繭樣饒

臘月十二俗名蠶生日浴蠶種搓粉作繭形祀竈祈蠶

春回爭

剪舊桑條窗封薄薄桃花紙戶插氍毹楊柳標

清明插柳為煥

蠶種

之始少婦澣衣忙欲返阿孃前席早相邀

倩助蠶事呼日蠶阿娘

宜蠶喜拾鞭春楮豐兆先占遇歲朝

立春日鞭紙牛家拾碎紙歸貼蠶室

兆曰
宜蠶

浴種先籌暖種時蠕蠕將出故風之

蠶種夜露為天浴又有茄根灰水鹽

汁等浴法暖種置茵褥下嫗育以氣十日始化筐翻玉

生將出先一二日懸於風前取風以動之之義羽輕蒙紙葉淬銀刀細切絲帶雨摘來常怕溼長晴攤

處更須滋辛勤三餉何曾間

初眠三日再眠三眠皆輕兩日起而餉之謂之餉輕

重頻權阿母知

始權其種初生乃權其子三眠大眠又權之以知蠶之消長

競食條桑頓易消晴窗潛聽雨瀟瀟葉當四月街頭賣

立夏後三

蠶到三眠市上挑

俗名出

索價低昂傳遠近

日開葉市關情冷暖話晨宵草山簇簇如秧插荏箔平鋪待詰朝

上山先一
日架棚

沈沈簾影靜煙村

家垂簾不許往來省視謂之蠶禁

怒吏追呼不到門

遲速火蠶分冷熱

始生烈火熨之凡三日夜而眠曰熱火蠶六日八日而眠寒燠惟其時寒

則稍加溫焉火傳微烈曰冷火蠶

舊新筐葉替朝昏

俗謂換葉為替眠過漸覺

烏兒長

蠶初出各鳥兒

食旺全無白大存

初餉不過二餐夜如之繼加數曰旺食蠶

能食而不藏者俗名白大蠶

今日上山天氣好催絲還有炭盈盈

起餉五日夜而四眠謂之大眠眠三日乃大食葉凡七日而上山兩日而成繭必用炭火催之名曰蠶炭

豆子青青喜斗量

人多以蠶豆占蠶

春醪爭祝馬頭孃

大眠上山必祭

蠶沙淨處絲綸富

蠶沙在腹淨一節則絲富一節光可外照

桑甚甘時吐屬

香一縷橫空身往復千層團結首低昂家家看火靈禽

喚

山棚下炭火不慎輒致火患是月有禽適至其聲宛云家家看火

雲髻偷梳總未遑

積繭盈筐欲出蛾村娃翦虎午風和車旋響軸翻銀礫
繰絲以三斗繭爲一車手拓兜絲漾素波促織聲中催整線采桑
歌罷漸聞梭縣官亦仰西陵氏輸賦由來蠶後多

蠶開門行

朱休度

春雨多菜爛死桑葉薄於紙蠶喫不足待僵矣貧農晨
皇揭火債買葉不顧葉價昂到家蠶娘急將葉指出血
可憐飢蠶欲僵不僵將就作繭投釜湯蠶開門聲啞啞
蠶娘繰絲伸手縮腳債主到敲絲車算來不穀償蠶娘
目瞪口呆咨嗟夫乃告債主勿懊惱明日入城有女賣女
有兒賣兒便相了債主去蠶娘哭人無語雞膈膊

看蠶篇

馬恆錫

倉庚一鳴蠶事忙西頭婦女多采桑桑葉沃若歸盈筐

寶寶

蠶家呼蠶之稱也

食葉夜漏長縛薪作山山滿廂阿嬢排

車姑煮湯車聲鴉軋絲如霜杵梢喜比去歲昂小姑低
聲問阿嬢織成可作兒衣裳嬢笑兒言真癡狂爾爺身
背百孔瘡絲少值輕結寸腸不聞打戶吏虎狼官府不
寬應免糧

采桑曲

張問陶

新蠶蠕蠕一寸長千頭簇簇穿翳桑天地生桑作蠶食
一日不食蠶已僵春來無雨桑林禿少婦提筐向蠶哭

溫風如火逼人來擁鼻空吟采桑曲吁嗟乎蠶不飢人不寒蠶飢忽如此歎君何處誇羅紈黃塵撲面風捲沙倚牆矮樹啼昏鴉忽憶朱門正歌舞吳綾一曲爭繁華吁嗟乎吳綾一曲真豪舉不知葦箔春蠶細如縷豈獨春蠶細如縷君不見道旁餓殺采桑女

蠶生日辭

山家以十二月十二日爲蠶生日炊南瓜和秫作養拜禮甚虔爲作此辭

錢 枚

炊新瓜潔瓦缶翁上香兒進酒阿婆拜前婦拜後春爲蠶忙冬祝壽蠶神喜蠶子肥蠶神怒桑葉稀不願餘錢易新穀不願兒女易冬衣齊叩頭告神聖惟願桑多蠶

不病來年官糧早端正多賣新絲來續命

養蠶行

王槐

吳興徧地皆種桑家家四月飼蠶忙陰陽災沴傷草木
桑樹雖多葉不足葉不足蠶苦饑無力作繭抽新絲絲
少賦多難稱貸賣絲更把桑葉賣胥吏門前爭叫呼
翩春服何其都君不見輕紈細綺白如雪寸寸蠶嬾眼
中血。

蠶事二十詠

吳興訪育蠶法得二十事
參以志書所載各系以詩

李宗昉

初過穀雨打包期帕裏籠熏好護持生怕當風翻面壁
東家新婦哺兒時

一護種
置熏籠一

取紙上所布子以帕裏之
宿謂之打包乃取貼于簞

前暖則
活出

妝罷從容問小姑明朝日出好攤烏春蔥細掃蠶如線

不辨鶯翎與玉膚

二下蠶既出以鶯毛掃於筐中謂之攤烏

頭葉纔過二葉齊相逢多半在桑梯投將紫葢供兒食

兒莫懷歸日未西

三采桑頭葉盡采二葉須老農善采者留其條來歲生葉

溼痕侵曉露盈筐風戾槐陰送午涼獨對蘖砧無語坐

最堪腸斷斷絲腸

四飼蠶東蘖為砧剉細葉如縷飮之稍餓即謂之斷絲腸

紅懶思兼青懶思辛勤分箔下春時繚孃何事營巢急

一寸秋心一寸絲

五捉眠將眠不勤食者曰紅懶思青懶思食者曰食孃眠起者曰起孃

又有將熟而先
作繭者曰繚孃

雞脚槐頭減綠腴蠶嬾餉過餉蠶離問儂夫壻桑餘幾

留得銀釵壓髻無

六餉蠶眠起初食曰餉

千頭簇簇布苔階嫩葉勻攤綠似揩鋪遍三弓窗隙地

向郎分取讀書齋

七鋪地藟散葉其上飼之掃地藉薦

迴廊縛架巧嵌空茆舍蘆簾結構工休怪阿郎叉手看

比儂花樣更玲瓏

八縛山棚架巨木上敷蘆簾相去尺許以細竹結爲方孔所以架草曰

花格竹

去年秋有稼如雲束藁供蠶作繭勤遺秉還分隣嫗好

隔離花犬漫狺狺

九架草截禾稈如帚倒植竹間便作繭

山頭偈仄上山初山勢高低密復疎知是功成棲隱地

門前已聽轉縑車 十上山

緒風絲雨變寒暄 檟初燃氣候溫 休向枝頭呼葉貴

二蠶初起綠遮門 十一擦火 藝火貯山棚下亦曰灼

鳴者曰灼
山看火

千山冰雪映簾櫳 分繭稱絲各課功 銖兩星星兒不識

屬郎將去問兒翁 十二采繭 六觔爲一筐率收繭

蘭闥深靜日初長 縣賴烏頭別繭忙 揀取同功付嬌女

剪成雙虎過端陽 十三擇繭 口傷不能爲絲者

合羅串五又肥光 風轉縑車拂拂香 戲語小姑添活火

絲成裁作嫁衣裳 十四縑絲 細而白者曰合羅

稍粗者曰串五又粗者曰肥光

賸繭鋪霜軟復勻
光生翠釜有經綸
添裁細被分零線
賣向江干續釣緼

十五剝蠅繭

竹架彎環妙轉旋
雪光瑩淨月光圓
阿翁今歲添新襖
裝取絲絲換木棉

十六作絲

薄鬢疎龐不識秋
儂家眉樣故風流
倩郎畫筆郎酣睡
栩栩匡牀自夢周

十七生蛾

繞盆旋轉引兒嬉
蛾去來年種更滋
素段織成煩妙挽
草蟲新樣繡螭斯

十八布子
生子後小兒引置水盆
旋轉而遊祝曰阿蛾轉團團今年去
去了來

明年

喃喃村語說機祥
如月如錢費揣量
天馬何年逢伯樂

故應重問馬頭孃

十九相種整疎密擬其形似撰語占吉凶相欺

村嫗習此者就種之科

老翁僂背學和南稚子流涎果實甘來歲一姑還福我

無蟲無鼠十分蠶

二十養神把蠶則葉貴

一姑把蠶則葉賤二姑把蠶則葉貴倏賤

養蠶曲

孫源湘

蠶喜靜密室簾櫳生客屏蠶喜煖深窗無風日華滿清
晨采桑珠露滴葉葉玉纖親拂拭不梳不沐一月忙紅
蠶滿箔繭白黃絲成許兒作布袴賣絲不穀充租賦貴
家女兒不識蠶裁絢剪綺終朝愁養蠶人家無寸帛七
十老翁凍折骨

種桑三首

眞州不知蠶事課自余始邑故無桑民憚遠購乃自吳買十萬本給之作詩以

勸焉

屠倬

起家自田間蠶事故所諧春郊五畝宅彌望桑柘佳吾
鄉苧蘿村采桑多越娃朝畦婦姑共夕隴隣媪偕桑條
拂霜翦淨綠春雨揩眠起視時節飽臥事莫乖竭來宰
此邦惻惻傷我懷地力誰爲盡民生詎有涯不見些窳
俗偷生滿江淮

濱江曠土多灌溉亦頗沃去年種木棉今年子已熟種
桑如種棉卽此生理足本計在一勤所望民氣復吳羌
徧桑田樸茂好風俗家家箱篋盈婚嫁饒綺縠胡爲局
方隅曾不習杼柚我有萬本桑俾汝人一束清明葉漸

生牆下陰覆屋

一本三尺強一束百本移樹藝有方術日夕勤糞治壓
條在接種烙癥初翦枝曖曖茅簷下堪熟亦療飢爾民
未習此瑣屑莫苦疲利興百年遠效不三年遲爾民亦
有父庶足衣帛資爾民亦有子勿慮饑寒爲衣食比閭
足他日視此詩

蠶婦歎

黃安濤

城東桑葉不值錢家家養蠶過二眠二眠已過雨不止
箔上眠蠶寒欲死貧家那有深房櫳穿牆入戶多酸風
蠶孃視蠶如性命連夜速備熏爐烘呼兒入市添薪炭

泥滑難行歸去晏。眼看箔底淚珠流。戢戢剛成無一半。
去年葉貴絲賤賣。今年葉賤蠶又壞。養蠶本為償債來。
那識養蠶翻作聲。債朝來河邊傾一筐。暮來河邊傾一
筐。不愁室無糧。不愁寒無裳。妾身安得如蠶僵。

種桑十二詠

襄陽桑葉尖小有刺性堅不宜蠶得
繭僅堪為帛售諸豫人以為絲網其

桑蓋制桑類也按農書荆桑薄而尖條葉堅勁
管桑國厚多津條葉豐腴余於荆之遠安購小
桑八百餘株種之大隄上移栽未善活者十之
七農書載壓條法齊民要術及汜勝之書載種
甚法此非文告所能悉不能家喻戶曉也思以
士為之倡民乃從之遂託諸吟咏幸襄之能文
者傳述之

周凱

種菴

齊民要術收菴之黑者翦去兩頭惟取中
間一截子堅栗枝強茂而葉肥厚將種先

以柴灰掩揉次以水淘去輕秕不實晒稍乾種
乃易生泥勝之書五月取榘水中濯洒取子陰
乾肥田十畝大麥與榘子各三升三台和種之
桑生與黍熟高下平以利鋤刈之曝令燥放火
焚之桑至來春生一畝可食
一箔蠶此吾鄉種條桑法也

君無棄桑甚桑甚千黃金今年下一子明年桑成陰南

風五月來子又垂桑林鳴鳩亦解意拂羽好弄音

壓條

入九月間擇桑枝柔大者攀至地壓以土
即生根就生根處截斷移栽他處一枝可

壓數株傳轉無窮
壓條者不接枝

涼秋入九月絲已織成衣門前有桑樹枝大葉復稀攀

枝壓土中土肥根亦肥移根植牆下春來蔭幾圍

接枝

舊之所生其葉多薄俟幹大如指臂剪取
大葉桑條接之自茂盛襄人果木皆接法

翳杏可接桃翳艾可接菊以桑接桑枝一氣斷復續既
非寄生者奚待類我祝所以同根生慎哉念鞠鬻

移栽

桑如指臂大小皆可移栽種樹書云下埋

剛甲盛茂不蛀或用大麥亦可先掘地成
坎貯水攪成泥漿須濃厚乃移栽之根令舒暢
上用土培厚築堅實名坐漿種法不必日澆澆

兒童學種瓜時復傍桑陰呼童移小枝枝小力易任培

土不厭厚掘坎不厭深切勿傷根株其木自森森

壅灌

冬月就桑根掘坎實以糞加
土壅之五六月旱宜灌水

九月築場圃十月納禾稼徘徊桑樹間老農有餘暇肥

土壅其根築以白木杷笑顧道旁泉烈日不畏夏

采摘

采桑宜摘葉不
宜攀折枝條

昔有秦氏女其名曰羅敷微行遵南陌攜筐伴小姑采桑念蠶飢不惜手拮据婦人重節烈羞見魯秋胡

去初葉

初發葉爲初桑倘飼蠶不盡當去之否恐明春無力次發爲二桑不須去

春來雨水勻桑葉大且圓采之飼我蠶蠶飽已成眠蠶眠葉自稀葉葉不論錢去之留餘力長養待來年

伐遠條

桑條遠出而細長者宜伐去俟明春另長嫩條否恐成雞桑幽風以伐遠揚是

也亦宜相度其勢可留爲壓條用

忽聞剪剪聲出自纖纖手梯影亂斜陽伐條去其醜臂彼護良苗先在除稂莠慎無攀折之不比道旁柳

禁再采

初桑葉肥嫩可飼蠶二葉漚飼蠶作絲僅可爲絁周禮禁原蠶再蠶恐妨馬也

濕桑葉有讎童童望如蓋云是采後生飼蠶亦何害無
乃味苦澀吐絲恐不類况復蠶與馬應星不兩大

收霜葉

葉經霜而落收之饌
羊甚肥兼治目疾

枯桑知天風風多氣已寒嚴霜昨夜降林間葉聲乾爾
羊忽來思晨夕供飽餐牧童有餘情坐看丹楓丹

剔苦皮

桑老而枯或中空葉黃蠶不食先剔
其皮可爲紙然後伐其木爲器用

吾鄉有赫蹠狀似魚網爲問工何所成云是枯桑皮其
理繇且厚炸油避雨宜剔之以爲紙桑者所當知

兼種柘

柘亦可飼
蠶繭色黃

周禮命野虞春禁伐桑柘蠶食吐繭黃絲成待善賈所

願利三倍歲熟多婚嫁何以勤農桑勞酒同飲蜡

飼蠶十二詠

襄之民從余種桑十年而大茂余又慮飼蠶之未善也附飼蠶法按蠶經

蠶性喜靜惡喧故宜靜室喜煖惡濕故宜板室尤宜密以避風火以助煖淮南子曰蠶食而不飲二十七日而化夫蠶具以箔以簇竹葦所為襄之事蠶者以席置諸地嚴其屋不加火宜其難養也余將延浙人教之先就余家人所素習者分為十二詠示之其成絲後為織之事襄民當自求之茲弗載焉

又

迎貓

蠶忌鼠迎貓以避之

元宵鬧鐙火蠶孃作糜粥將蠶先逐鼠背人再拜祝襄

鹽聘狸奴加以筆一束爾鼠雖有牙不敢穿我屋

歲時記正

月十五日作粥登屋上食之咒曰登高糜挾鼠腦欲來不來待我三蠶老盡為蠶逐鼠也陸游詩裏鹽迎得小

狸奴枕俗聘貓加
筆借取逗鼠意

速浴蠶清明取蠶子以桑柴灰水澄清微溫輕拂之厚縣絮包置縣被中數日生真人懷更

鼓笛喧神祠戶戶祈蠶畢溪女各分種昨過寒食節厚絮密密包灰水但輕拂桑芽小於錢乍看纖手擷

初眠

俗名頭眠蠶初生蠕蠕若蟻采極嫩桑葉剪細飼之四日頭微白不食退皮為頭眠

今日天氣和蠕蠕動蠶子知是第一眠薄薄鋪繭紙風從東方來小姑色先喜漢書天文志正月上甲風從東方來宜蠶剪桑細飼之四日頭已起

二眠

自初生七日二眠又不食將退皮如頭眠狀凡蠶四日一眠眠一次蠶大一次

春寒忍顏色不復畫蛾眉二眠蠶欲起攀桑折柔枝所

願桑葉多令我蠶不飢且緩賀箱籠

邵謁詩春蠶未成繭已賀箱籠實

曷先具筐槌

梅堯臣蠶槌詩三月將掃蠶蠶安具其器

三眠

最宜著意飼葉者當晝夜無間

采桑復采柘曉夜來相從吳蠶已三眠膏沐難爲容不

惜妾勞苦但愁雨與風殷勤課諸女念彼寒號蟲

大起

俗名大眠食葉愈健脫膚而起漸有黃光絲在其中矣

憶自享先蠶日已近三九門前過客稀助蠶倩隣婦况

當大起時采葉不離手食健聽有聲絲絲漸繁口

分箔

二眠後蠶漸大卽宜分箔禮云曲植籩筐曲箔也植卽蠶槌以架箔也籩圓器筐方

器竹葦皆可編架高去地三尺許下可炙火自
下而上五六層蠶至大起視其食葉稍減中有
螢光者置一箔以便先上簇
也俗謂起孃以其先熟也

先蠶著箔上相之具苦心

漢書藝文志有相蠶經一卷

昂昂青鴉髻

小大毋相侵籬圓而筐方位置深房深分藏待上簇中

有帛與金

炙箔

蠶宜溫上簇時更宜加煖微火炙之毋太烈

大蠶已吐絲小蠶看猶臥恐犯春風寒候火不敢惰蘆

簾疊疊鋪桑柴細細剉宜溫毋太烈守爐忍飢餓

上簇

以稻麥積或竹篠葦幹縛如山將蠶通體望徹者置其上俗呼上山勿遲遲則繭薄

蠶老色微紅有絲何纏縣麥積與竹篠縛之如山然捉

蠶上山來所戒在遲延不羨大於囊作繭箇箇圓

下簇

上簇三日皆成
繭矣宜摘繭

雲隴麥將秋雪繭蠶已熟隣翁各相賀利以三倍卜獻繭將告功紛紛喜下簇寄語紉袴子慎勿賤羅縠

擇繭

中一蛹者曰獨繭雙蛹曰雙繭二三蛹者曰同功繭及雜而薄者為麗絲為帛其有內潰而

漬濕者曰陰繭另置一處僅可為帛凡繭尖細堅而腰小者雄也圓慢厚而腰大者雌也相兼而收以簇中者為佳近上絲薄近下不生子取雙繭待蛾生子俗謂醅蠶以待來年清明浴之鹽水沃其子

枝葉兩相當辛勤歌采桑不願同功繭但願獨與雙視腰辨雌雄結喜簇中央沃子待來年囊窖宜深藏

縑絲

爲縑車以縑絲

村村煮繭香軋軋縑車聲探湯引其緒入手光晶瑩上市賣新絲織素分蠶精歸祀馬頭孃其慶蠶桑成

看蠶詞

吳衡照

日防生人夜防鼠邨裏家家都閉戶綠陰時節徧江南屋上鳴鳩定晴雨幾日看蠶眠幾日看蠶熟簇蠶上山棚葵薪守蠶箔小姑日討山棚信再拜神前代孃問大姑一月頭不梳玫瑰花開未簪鬢大姑稱繭小姑量阿孃踏車煮繭香絲成母女各歡喜里胥打鑼催上忙

押桑謠

乙丑歲桑葉大貴苦白雪言貧家有以兒女押樹桑家者感而賦之

辰

養蠶活兒女只今兒女在何許水村桑葉等珠璣抱向
桑家押桑歸豈無嫁時裳賣去充官糧豈無頭上飾典
來供朝食猶幸膝前兒女多若無兒女將奈何語兒莫
哭更莫嬉蠶飢爾療蠶熟不爾飢贖兒好待賣新絲可
憐繭成動縑車追科吏又門前譁

哀春蠶

于源

今年蠶市開處處說蠶熟奢心十倍成歡聲遍茅屋

解一

蠶信日以熟葉價日以昂誰家傍門前乃有百株桑

解二

倒我箱與篋拔我釵與珥葉貴買不歸看看蠶餓

死

背人忍雙淚日暮拋田中不如往年殭猶得充

解三

樂籠四解

人家作成繭幾日有絲賣不穀還葉錢又添

蠶罷債五解

蠶歎與蠶熟只苦養蠶娘城中販葉客新

絲做衣裳六解

馬頭娘神絃曲

黃金臺

神鴉噪晚平簫迎絳

地香風生白粥一盃酒一竿

喃喃拜禱靈祠下東家姑婦西家姨辛苦育蠶勝育兒

葉價怕昂絲怕賤蠶娘心事惟神知乞神默護賴神佑

村歌里語當筵奏但願新縑萬匹光皚皚官坊錦樣如

雲堆不求小姑娘嫁衣足綠襖紅裙任剪裁

木棉

鋤田行

唐孫華

瀕海高田半鹵蕩木棉初長不滿尺非種相侵易蔓延
手把鋤頭那許釋久晴無雨土益乾鋤頭下處如擊石
偏到炎天戶戶忙日午當空火繖赤可憐一笠不遮身
僂背長供紅日炙鋤頭側入不容差惟恐誤鋤傷根芽
草盡更祈微雨潤眼穿幾日開黃花海風但願無漂蕩
秋到家家動紡車

木棉歌

王晦

吉貝舊從海島植流入中華滿阡陌故老相傳號木棉
其功直與蠶絲匹年年四月來牟黃播種入田乘雨隙

迸芽發葉僅寸餘田中茂草先盈尺揮鋤流汗浹故衣
赤日中天痛如炙半載辛勤到九秋西風忽發苞初拆
幸逢稔歲霜信遲照眼花叢如雪白田夫珍重逾夜珠
挈兒呼婦親手摘歸來索賣價苦賤百計經營供婦織
機聲軋軋寒月闌十指凍裂心不惜待輸公賦償私逋
縱成萬匹難存一吁嗟此物衣被天下民回看農婦兩
腳赤

詠木棉事

金俞邁

春來白地幾犁鋤不種草麥者爲白地草淨泥融雨一蓑荷葉田
田柳飛絮種花時節正清和種花

鋤花偏喜日卓午
曦馭炎炎似火輪
只道火輪能殺草
不愁燒殺把鋤人
鋤花

地不宜禾不植桑
崖州老姥爲開荒
捍彈紡織皆堪詠

擬入豳風第幾章

樹出南蠻諸國漢時流入廣州吳地所種乃草棉與廣州之木棉異元至

正間松江烏泥涇汚萊不食偶傳此種崖州黃婆教以捍彈紡織之法死而廟祀之

水淤沙浮土瘠貧
荒鄉何策可資身
星機月杼連村巷

盡是東南食力人
二首治布

種棉曲

陳萊孝

海南人家種棉交秋試
花花燭天秋收一畝
勛二百
百勛價值錢四千丁
男色歡婦子喜活計
今年麗足矣

豈知米價貴于玉五十觔棉米一斛八口罄罄竈突寒
一家依舊團樂哭鳴庠枉說種棉勝種禾賣棉買粟能
幾多可憐租稅兩莫辦南隣相約走別縣

和方宜田官保木棉歌題其圖

陳章

島夷卉服傳自古但聞僅有麻與苧木棉之名出高昌
赤花大樹非其侶柔根弱蔓如豆蘗不植泥土植沙土
種時四月梅雨後立苗欲疏毋莽鹵枝未著花先去心
桃少實繁難悉數白茸茸裹乳鷺毛鐵鋌擷去核盡吐
官商錯雜竹弓彈紡之織之就機杼足令衣被天下人
那羨吳綾與蜀紵尙書爲政有要領凡利民生靡不舉

最愛此花儕桑麻能救茆屋僵凍苦世多不識菽麥人
丹青乃命良工補已饑已溺推此懷直欲春臺廣姬煦

木棉歎

錢載

我聞木棉花傳自哀牢林邑高昌國地氣江淮本相得
葉似青楓花似葵花鈴倒挂同攀枝涼秋八月白縣吐
一朵半朵科頭垂科頭垂哭村姥昨日風今日雨上岡
溼多草下岡溼無土花熟防風更防雨怕似隣州去年
苦去年崇明上海海波嘯人家屋頂龍鱗掉舊時岡隴
種花處夜夜陰寒鬼燐照我家租種橫瀝黃沙田海陲
風雨愁相煎

諺云山擡海潮來海陲風雨多

坐音鋤花荒官私雨無辦不

紡不織何能延黃婆廟烏泥涇天晴獻雞酒願乞黃婆
靈我田若可種稻還種麥更送春風紙錢百

木棉花歌

錢大昕

木棉之花古未有流傳乃自林邑南高昌緬甸及南詔
移來交廣雷瓊儋桐身楓葉芙蓉蕊秋來結實離相參
周遭徑尺修數丈非杞非梓非梗楠蠻方寶此作活計
不數入鹽吳中蠶爾雅釋木置不錄南州舊志披琅函
迦羅婆劫載梵夾嘉名肇錫由瞿曇草棉晚出乃居上
卑枝弱榦霜苞含古終古貝名少別騷人辨說徒謁諠
何人分種到江左花開處處臨激潭

吾鄉所種皆草棉
沿其名曰木棉耳

崖州老姥年七十卓椎雙髻鬢傳來上世種植法
至今立祠香茅庵烏泥涇上靈旗卷風鬟霧髻留空龕
邇來傳授五百載鄉村男婦人人諳弓彈桿耒自苦
如食蓼葉蟲知甘吾生雖無田負郭田家月令曾研覃
膠城土燥不宜稻稻田十僅得二三月纔過微雨潤
木香花下香穠醺木香花開種花之候農夫走尋官厯日翻閱敗
壁祛白蟬詰朝相戒種花去蓬頭散髮除襪衫從朝至
晡不得息汗出浹背流如汴東旱幾日生意早新芽迸
土抽瑤簪火雲觸熱青笠覆艸根細斲長鉏鋤向午不
憚日杲杲凌晨時聽鐘錯錯顰門稚子攜酒榼饁餉小

婦簪宜剪嗟爾婦子大作苦面目黧黑中心慚去年種
花花事歉家中積儲無一甌今年天氣晴更好十日一
雨波渟涵里巫醵錢賽村社社翁社母醉且酣巫言祀
神神不怒福汝祐汝非戲譚三秋轉眼西風緊捉花處
處爭搜探提囊花鈴大于繭腰繫圓簾攜荆籃不辭采
擷指爪禿十十五五頽肩擔歸來茅舍夕陽暮少長列
坐齊羅眊紅蓮飯熟出破甌菊花釀美開新埧拍手頓
足紛雜沓太平有象樂且湛朝來忽訝聲剝啄市牙估
客頻停驂得錢捆載渡江去吾廬依舊空沈沈長舍切蚤
花促後花漸少霜黃滿地羣兒擣賣餚老翁打鼓過傾

筐換取目眈眈。促織初鳴河射角。篝燈一縷光猶舁黃。
紗夜紡。軋車鬧抱布。賤售憂如惓。我農經年長碌碌。夫
豈本性由來耽。官租私債償未足。吁嗟筋力何以堪。吁
嗟筋力何以堪。明年力作催丁男。

採花婦

湯禮祥

崇明宜種花。種花如稻梁。七月花已齊。八月採花忙。道
逢貧家婦。悽悽復惶惶。採花在沙上。兒女在母傍。自言
去年花一采。盈一筐。今年夏不雨。風潮復驚狂。有花半
吹落。況乃根已傷。一枝三兩朵。疎散不成行。盡採一日
花。不抵一宿糧。丁甯小兒女。採白莫採黃。白者賣與人。

得錢充饑腸黃者無人買。裝爾舊時裳到此望已絕饑
來更無方。我聞貧婦言去去猶彷徨種花既苦旱種稻
亦亢陽不見高原田苗死無餘秧皇天實降災江浙同
時荒赤地已千里樂土竟何鄉

東鄉謠

吳蔚光

西鄉田高五月下苗北鄉田少六月去草南鄉田低八
月稻齊惟有東鄉田近海專種棉花弗能改種棉花易
種稻難種稻怕溼兼怕乾稻十分算全熟棉廿分算纔
足休望足收成只望沒空鈴鈴空無大礙風潮莫爲害
七月風暴多吹得鈴子沒一科八月潮信大溼得鈴子

沒半箇今年幸無潮與風陡然生出棉花蟲齧節節便
斷喫葉葉便短葉短難再長節斷花亦傷何況蛀盡棉
花根我泣呼蟲蟲不聞業主下鄉來催租我子無袴妻
無襦無襦無袴更無米還有隣家賣妻子

種棉行

劉文培

崇川種棉不種稻種棉利比種稻好稻田不雨苗卽枯
棉田不雨苗仍保四月撒種種易生五月屑草穡漸成
含苞夏末秋落實只憂霧雨不憂晴前年去年雨滂沛
霧裏蟲生花果墜米無錢買薪無株比戶咨嗟眼垂淚
今年收成倍往年雪花壓樹霜滿田償逋糊口難雨給

得隴望蜀還怨天勸君不用心沖沖明年再熟家計豐
君不見江南稻田更辛苦手捧枯苗涕如雨

摘棉花行

張金棟

涼風吹動八月節如彈花鈴箇箇裂籠雲帶雪綴梢頭
盈盈白繭田中稠農家挈伴摘花去一朵兩朵次第收
大婦拾來懿筐貯小姑擷得元裳兜日燥風高花盡圻
摘得前頭後又白併疊將歸畧取乾不愁今歲兒號寒
朝換肉夜換酒常挾棉花市上走豪家一日去還租身
上衣衫原露肘

木棉四詠

黃安濤

碾核

我聞古德言色界花多子子多花亦多木棉正如是何
以入筒中渣滓須淨洗木工與金工先後互呈技以金
利其轉以木植其體如牀支四腳如鼎聳兩耳中橫鐵
門限吐納分表裏譬諸頤有物下咽莫逃齒板踏一繩
牽輪轉雙槌使花飛繭衣如核走珠盤似手足踏且搖
昏黃鳴未已周官嬪婦職化治從茲始

彈花

木棉已離核其質猶未融膠絲以爲絃揉木以爲弓挂
以青竹竿背坐如釣蓬移將局腳牀蘆簾攤一重揎袖

續續彈響與鳴箏同貧家屋漏小那有深房櫳流溼既
苦雨當窗又愁風彈罷腕欲脫兩鬢如飛蓬富家玉滿
堂帖地氍毹紅擁絮不加暖誰憐寒女窮

紡紗

生女曰弄瓦紡甄肇古初拋甄用竹木厥制參輪輿繼
車亦其類絲車固攸殊右手搖曲柄風輪轉疏疏左手
曳絛筒一縷牽徐徐纚纚等抽繭綴綴疑辟纊始焉攬
核似繼乃芋頭如紅閨有鍼神分絲細於蛛持作手中
線縫衣尙嫌粗誰知斷復續寒女費工夫

織布

年光迅飛梭織婦心獨曉不待候蟲鳴夜作恆及早溪
頭浣紗畢風戾向晴昊運軸皆小姑入扣共邱嫂秩然
經緯清皚如顏色皎擘絮殊精粗中量分大小有大布小布之
別貧家卒歲資紈綺非所寶但願尺寸贏麤麤製裙襖
壁上油燈乾殘機剛得了未遑計有餘入市付郎抱

采棉行

祁寓藻

采棉復采棉棉花滿秋田噴香裏粉白且鮮重如柳絮
輕如煙十五五采棉女褰裳來往花間語一摘盈一
筐再摘盈一筥盈筐盈筥摘未息當窗機杼鳴促織織
成尺布不上身且免米鹽乞旁人可憐辛勤僵十指半

爲輸官半鬻市市中車馬何踟躕清酒絲繩提玉壺
貧家有女寒無襦忍死不願雙明珠

木棉謠

朱岳

農家種花勝種稻土花更比沙花好花蟲不畏畏風潮
播種還爭下手早黃梅雨足青草生脫花要趁天公晴
貧家無錢僱客作夫把鋤頭婦餉耕秋風吹花花欲舞
捉得花歸忙織組年年花價貴如金織得布成賤如土
一年辛苦望花熟花熟尙愁餽與粥

脫花去草出花也鄉音作搗

紡織

紡車曲

趙俞

阿嬾日一筐小姑日五兩手腕欲脫眊生掌六月七月
風水蕩木棉枝梢棲螺蚌明年欲種苦無種入市換米
米價踊紡成不比木棉重君不見豪家容光耀明月翠
鈿珠鞞玉條脫眼中紡車是何物生女莫作田家婦終
日蓬鬆亂鬢髮又不見昔年江鄉兵火發城中婦女腳
不韞竄身荆棘皮綻裂不如田家婦局縮紡車且就活

促織謠

邵長蘅

促織復促織涼秋入九月新婦扎扎當窗織一日織丈
餘兩日合成匹婆言無襦兒言無衣翁欲易米煮舖糜
縣中租吏來叩門聲如雷阿翁趣辦飯阿婆烹伏雌持

布送祖吏。租吏含怒譙言爾。物何輕微。新婦十指出血。不得一縷著房中。淚下如綆縻。

夜紡女

汪孟錡

一絲長一絲短。窗隙風窺無與伴。低頭欲理還愁斷。十指凍皴紡聲急。一把費將無限力。油燈煎盡但成滴。竈頭有粟食已空。晨炊未備無青銅。急須攜取入市中。金雞唱曉斷更鼓。喚起夫婿啼兒女。

織綾曲

陸坊

王江涇上明春燈。鳴機紅女宵織綾。綵鴛蕩漾飛不起。驗取綾紋半湖水。一梭成匹千萬絲。賣作誰家歌舞衣。

穩稱纖腰寬作袖倚寵猶嫌花樣舊君不見吳下連年
蠶歉收新絲織盡機人愁

織布謠

錢之鼎

織布織布夫無襦身無袴晨光未熹儂上機蓬頭垢面
朝不得炊機聲軋軋日亭午汲水斫薪纔滌釜篝燈挂
壁夜不眠三更五更自勤苦縷欲密匹欲長縷稀匹短
綫不足寸寸斷絕儂肝腸貴賣青蚨一百四賤賣青蚨
一百二剩來機上數尺零兒裁作衫女作帔北風吹窗
草蕭蕭東隣西隣愁仰屋持布賣錢儂買穀世上窮民
幾人燠

恤緯詞

孫 玘

農種粟農常饑女織布女無衣織布勞從種花始使我
春不得避陰雨夏不得避炎威常恐草沒棉花稀乍見
花盤生又見花鈴老花開最怕委泥沙頻祝天公風雨
少提筐挈籠倒箱中私債官糧賣頓空留取餘花藏破
篋彈紡成紗衣阿儂向曉踏機鳴唧唧天寒日暮纔成
匹伍百催租攫作錢依然敗絮當風立

貧女織

吳長庚

霜稜稜風獵獵寒燈燄縮紙窗裂車聲軋軋指流血不
辭指痛摧心肝但願織成輸縣官織爭一寸輸累匹那

得餘棉暖姑膝

織婦詞

嚴駿生

東家織婦命如葉。軋軋機聲夜無歇。銀箭頻催星斗稀。
碧梧已上將殘月。絲絲應攬淚絲紅。愁蹙雙蛾罷整容。
爲誰製就合歡被。穩覆鴛央春夢濃。西家有女歌入選。
豔錦香羅稱身軟。昨宵笑曳散花綾。嬌憨亂把金刀剪。

蠶桑補
木綿

蠶詞四首

于源

纔卜油花禱祀成。今年蠶事勝前年。一灣流水汲新綠。
剛是春風浴種天。

十畝青桑蔭漸繁怕人來往笑言瞢明朝求個村夫子
字寫蠶花貼板門

剪刀聲裏日遲遲早閉柴關謹護持忙殺朝來看火鳥
幾番啼上最高枝

溫和天氣扇微風雪色堆山一室中郎喜吐絲成五色
妾思作繭要同功

木棉歎

王慶勳

江南產木棉種者十之五藉以裕民生大半此爲主計
自癸未來每歲遭多雨雖不書豐年初非無小補今歲
入秋時結子綻無數屬望到西成自然恣意取士商工

與農莫不欣且舞誰知浹旬中淋漓水平潑雪白吉貝
花坐視同草腐一分不得收更比昔年苦昔年猶可支
今歲將何拄杼柚旣已空尙須供天庾縱或緩催科敢
望人三鬴嗟哉我鄉民瞻仰靡依怙

蠶桑又補

勸蠶歌

高其垣

其垣爲閩令念閩省地瘠民貧薄於生計思爲
開無窮之利蓄試行蠶桑說上之大府捐貲購
地於井樓門外薛桑六千餘株其秧由浙運至
道光末陳中丞處借開藩來閩頒其說於郡縣
令省垣設局飼蠶勸民其垣又於浙買運桑秧
三千餘萬株分給布種且募浙之善飼蠶者至
閩傳授前後捐重賞力任其事
事不爲浮議動作歌紀之

我本浙中人曾作閩中吏身自田間來且說田間事江
南二三月牀頭蠶種發家家皆飼蠶正值清明節節當
春風香女兒爭採桑青青柔柔葉恰恰連宵忙全家夜
來苦但願蠶絲吐二眠至大眠上山猶閉聲作繭方告

成堂前繰車鳴繰車聲輾輾賣絲錢滿橐不畏吏催租
沽酒街前酌女兒藏餘絲留作嫁時衣一月雖辛苦一
歲休愁饑浙中利若此閩中風土似城外半膏腴種桑
可千株我今買桑樹復購繰絲具蠶師愁無人家鄉急
覓去轉瞬春風市上譁徧栽桑樹如栽花秋燈門巷鳴
機杼富擬湖州百萬家